



Unser aldi Gaß.

Wann ich durch die ald Gaß do geh'
Wills mahne mich gar eige,
Wie frieher noch die Heiser schdeh'
Un iweral dret der entgeh'
Vergangner Johre Zeige.

Deß Schdrohdach dort, so schwarz un schebb,
Die Laddedeher dehinner,
Dord an de itwerdachde Drebb,
Gelänner midd de Messingfnebb,
Wo mer geschbiel als Kinner.

Es Bächelche, wo mer beherzd
In hääße Summerdaage,
Die Hesselcher eruffgescherzd,
Drinn rumgebadschd, uns neiⁿgeschderzd,
Midd wahren Wuhlbehaage.

De Hoof un dord de Schdall, de Schobb,
Wo unser Anehd, de Perer,
Mich uff de Schimmel ofd gehob,
Mich reide lößt, Schridd un Galobb,
E alder Freind e jerer.

Un gugg ich do am Gämwel nuff,
Do kann ich's nedd vergesse,
Mer iß dann, als gengds Fenschder uff,
Meiⁿ Mudder rufd: Paul geh' eruff,
's iß Zeid zum Middageffe.

Vorbei! Vorbei! Nor e paar Schridd,
Brauschd weider ford se gehe,
Iß die Erinnerung verschidd,
Un iwerall uff Schridd un Dridd
Siehschd fremde Heiser schdehe.

So iß die Zeid, sie gehd un rinnd
Un frohd nedd, was mer fiehle;
Doch in meim Herz, do summds un sinnd:
Kennd ich nor ähmol noch als Kind,
Am Schdorkedurm dort schbiele.

